



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), Odluke o utvrđivanju standarda I kriterija Vlade Zeničko-dobojskog kantona za imenovanja/nominiranja za upražljenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16), i Zaključka Vlade Zeničko-dobojskog kantona o oglašavanju upražnjenih pozicija člana Nadzornog odbora i člana Odbora za reviziju u Privrednom društvu „ŽGP Zenica“ d.d. Zenica broj: 02-30-10519/23 od 30.06.2023. godine, reguliranom tijelu u nadležnosti Vlade Zeničko-dobojskog kantona, a u postupku imenovanja, odnosno nominacije na upražnjene pozicije u reguliranim tijelima u kojima kantonalni organi vlasti imaju pravni interes i u kojima, prema važećim zakonima, pravima i propisima imaju zakonito parvo da vrše imenovanje, ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, objavljuje:

JAVNI OGLAS

**za popunu upražnjenih pozicija člana Nadzornog odbora
i člana Odbora za reviziju u Privrednom društvu „ŽGP ZENICA“ d.d. Zenica**

1. Naziv pozicije:

- 1. Član Nadzornog odbora u Privrednom društvu „ŽGP ZENICA“ d.d. Zenica ____ 1 član**
- 2. Član Odbora za reviziju u Privrednom društvu „ŽGP ZENICA“ d.d. Zenica ____ 1 član**

2. Opis pozicije 1:

Član Nadzornog odbora zajedno sa ostalim članovima i uz konsultacije sa Kantonalnim Ministarstvom za prostorno uređenje, promet i komunikacije i zaštitu okoline, nadzire poslovanje i rad uprave privrednog društva, a naročito prilikom donošenja odluka kojim se utiče na vrijednost kapitala društva, raspolaganje imovinom i kapitalom društva ili utvrđivanje strategije razvoja društva; te predlaganje raspodjele i način upotrebe dobiti i način pokrića gubitaka; razmatra i usvaja izvještaje o poslovanju sa bilansima stanja i uspjeha i revizijske izvještaje; obavlja i druge poslove u skladu sa Zakonom o privrednim društvima, drugim zakonima i propisima.

Kandidat za člana nadzornog odbora u navedenom dioničkom društvu ne može biti lice koje u dotičnom društvu ima vlastite dionice, odnosno suvlasništvo.

Mandat člana nadzornog odbora je četiri godine, s mogućnošću ponovnog imenovanja.

Naknada i druga prava člana Nadzornog odbora uređuju sa ugovorom na osnovu odluke skupštine.

2.1. Opis pozicije 2.

Odbor za reviziju vrši reviziju polugodišnjeg i godišnjeg obračuna i istovremeno kontrolu usklađenosti poslovanja društva i funkcioniranja organa društva u skladu sa Zakonom o privrednim društvima, drugim relevantnim propisima i osnovnim principima korporativnog upravljanja i o tome dostavlja izvještaj skupštini i nadzornom odboru najkasnije osam dana po okončanju revizije.

Član odbora za reviziju ne može biti član nadzornog odbora i uprave, zaposlen niti imati direktni ili indirektni finansijski interes u tom dioničkom društvu, izuzev naknade na osnovu te funkcije.

Član Odbora za reviziju ovlašten je zahtijevati sazivanje sjednice nadzornog odbora i skupštine kada smatra da su ugroženi interesi dioničara ili utvrdi nepravilnosti u radu predsjednika ili članova nadzornog odbora, direktora ili članova uprave.

Mandat predsjednika i članova odbora za reviziju je četiri godine s mogućnošću ponovnog imenovanja.

Naknada i druga prava člana Odbora za reviziju uređuju sa ugovorom na osnovu odluke skupštine.

3. Kandidati za imenovanje na upražnjene pozicije u reguliranom tijelu Vlade-Ministarstva za prostorno uređenje, promet i komunikacije i zaštitu okoline Zeničko-dobojskog kantona moraju ispunjavati slijedeće opće i posebne uvjete.

Opći uvjeti:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine FBiH“, broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- da nema privatni/finansijski interes u instituciji u kojoj se kandiduje,
- da nije osuđivan za krivično djelo i za privredni prijestup, nespojiv s dužnošću u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti:

Pozicija 1.

- VSS (VII) stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- 5 godina radnog iskustva nakon sticanja visoke stručne spreme,
- da nije član nadzornog ili upravnog odbora, odnosno odbora za reviziju nekog privrednog društva ili institucije,
- da nije dioničar sa 50% i više dionica, direktor ili član uprave bilo kojeg dioničkog društva, kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću,
- da je prošao odgovarajuće usavršavanje u skladu sa Zakonom o privrednim društvima i Uredbom Vlade Federacije BiH o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno da preuzimaju obavezu da usavršavanje obave u roku utvrđenom Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala,
- sposobnost za savjesno, odgovorno i odlučno obavljanje upražnjene pozicije,
- komunikacijske i organizatorske sposobnosti,
- sposobnost tumačenja ekonomskih i pravnih analiza i propisa.

Pozicija 2.

- VSS (VII), stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja - ekonomski ili pravni fakultet,
- 5 godina radnog iskustva nakon sticanja visoke stručne spreme,
- da nije član nadzornog odbora i uprave, zaposlen niti ima direktni ili indirektni finansijski interes u dioničkom društvu, izuzev plaće po temelju te funkcije,
- da posjeduje stručno znanje iz oblasti rada i organizacije privrednih društava i/ili institucija,
- komunikacijske i organizatorske sposobnosti,
- sposobnost tumačenja ekonomskih i pravnih analiza i propisa.

4. Prijave na Oglas treba da sadrže kraću biografiju, adresu i kontakt telefon.

Uz prijavu je potrebno dostaviti:

- Uvjerenje o državljanstvu Bosne i Hercegovine, ne starije od 6 (šest) mjeseci ili CIPS potvrdu;
- Rodni list;
- Univerzitetsku diplomu;
- Uvjerenje/potvrda o radnom iskustvu, nakon sticanja visoke stručne spreme;
- Ovjerene izjave kandidata iz tačke 3. ovog oglasa – opći uvjeti, alineje 3, 4, 5, 6 i 7 Općih uvjeta;
- Ovjerene izjave kandidata iz tačke 3. ovog oglasa – posebni uvjeti, alineje 3, 4, Posebnih uvjeta;
- Uvjerenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata;
- Certifikat da je kandidat prošao odgovarajuće usavršavanje u skladu sa Zakonom o privrednim društvima i Uredbom Vlade Federacije BiH o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno ovjerenu izjavu da preuzimaju obavezu da usavršavanje obave u roku utvrđenom naprijed navedenom Uredbom Vlade Federacije BiH.

Svi priloženi dokumenti moraju biti u originalu ili ovjerenoj kopiji.

Napomena:

Dokaz da kandidat nije osuđivan za krivično djelo od nadležnog MUP-a službeno će se zatražiti za kandidate koji budu predloženi za konačno imenovanje.

Svi kandidati koji budu stavljeni na listu užeg izbora biće pozvani na intervju pred Komisijom za izbor na upražnjene pozicije u reguliranom tijelu Zeničko-dobojskog kantona. Prije intervjua, kandidati su dužni popuniti obrazac, u kojem će navesti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua.

Lični podaci o podnosiocima prijava su tajni i mogu se prikupljati i obrađivati u skladu sa Zakonom o zaštiti ličnih podataka („Službeni glasnik BiH“, broj: 49/06 i 76/11 i 89/11).

Kandidati koje nakon intervjua preporuči Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidati ili zainteresovana stranka može podnijeti prigovor na konačno imenovanje. Prigovor se podnosi Vladi Zeničko-dobojskog kantona, a kopija se dostavlja Ombudsmenu Bosne i Hercegovine.

Oglas će biti objavljen u „Službenim novinama Federacije BiH“ i dnevnom listu „Dnevni avaz“.

Oglas, za podnošenje prijava, ostaje otvoren petnaest (15) dana od dana posljednjeg javnog objavljivanja.

Neblagovremene i nepotpune prijave neće se uzeti u razmatranje.

Prijave sa traženim dokumentima treba dostaviti lično ili preporučeno poštom u zatvorenim kovertama, na adresu:

Zeničko-dobojski kanton
Ministarstvo za prostorno uređenje, promet i komunikacije i zaštitu okoline
Komisija za izbor na upražnjene pozicije u
reguliranom tijelu Zeničko – dobojskog kantona
Kučukovići, broj 2.
72 000 Zenica
Uz naznaku:

„PRIJAVA NA OGLAS ZA POZICIJU _____ - NE OTVARATI“



MINISTAR

Danijel Pašić
Danijel Pašić